



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿԱՅԻ ԵՎ  
ԲՆԱԿԱՆ ՊԱՇԱՐՆԵՐԻ ՆԱԽԱՐԱՐ

0010, ք.Երևան-10, Հանրապետության  
Հրապարակ, Կառավարական տուն 2.  
Հեռ. (011) 52-19-64. Ֆաքս (011) 52-63-65  
Էլ. փոստ: [minenergy@minenergy.am](mailto:minenergy@minenergy.am)  
Վեբ կայք: [www.minenergy.am](http://www.minenergy.am)

№ 01/19.1/3903-15  
23.07.15թ.

«Ա.Դ. ՍԱԽԱՐՈՎԻ ԱՆՎԱՆ ՄԱՐԴՈՒ  
ԻՐԱՎՈՒՆՔՆԵՐԻ ՊԱՇՏՊԱՆՈՒԹՅԱՆ  
ՀԱՅԿԱԿԱՆ ԿԵՆՏՐՈՆ» ՀԿ ՏՆՕՐԵՆ  
ՊԱՐՈՆ ԼԵՎՈՆ ՆԵՐՍԻՍՅԱՆԻՆ

Ձեր 16.07.2015թ. N2327  
գրության կապակցությամբ

Հարգելի պարոն Ներսիսյան

Ձեր 16.07.2015թ. N2327 գրության 2-րդ կետով բարձրացված հարցերի վերաբերյալ  
հայտնում ենք.

1-ի ենթակետի վերաբերյալ

Նախ, հասկանալի չէ, թե ինչ «ստանդարտի» մասին է խոսքը, ըստ որի իրացվող  
էլեկտրաէներգիայի տեխնոլոգիական կորուստները «պետք է լինեն ոչ ավելի, քան 5-6  
տոկոս»:

Էլեկտրաէներգիայի հաղորդման և բաշխման ցանցերում առկա կորուստների  
մակարդակների ուսումնասիրության, շեղումների պատճառների բացահայտման  
նպատակով ՀՀ էներգետիկայի և բնական պաշարների նախարարությունում ստեղծվել է  
աշխատանքային խումբ: Աշխատանքային խումբը շուրջ 6 ամսվա ընթացքում  
համագործակցելով համակարգի բոլոր ընկերությունների ղեկավարների և մասնագետների  
հետ՝ ուսումնասիրեց արտադրող կայաններում, բարձրավոլտ ցանցում և բաշխիչ ցանցում  
էլեկտրաէներգիայի հաշվառման համակարգում կորուստների առաջացման պատճառները,  
դրանց կառուցվածքը, տեղեկատվության հավաստիությունը և դրա հասանելիությունը  
շուկայի մասնակիցների համար:

Քննարկումների արդյունքներով նախապատրաստվել է Առաջարկություններ՝ ուղղված  
ՀՀ էլեկտրաէներգետիկ համակարգի բարելավմանը, ներդրումների արդյունավետությանը,  
սպառողներին մատուցվող ծառայությունների որակի բարձրացմանը,  
էլեկտրաէներգետիկայի հաշվառման համակարգի արդիականացմանը և կորուստների  
նվազեցմանը:

Առաջարկությունները ներկայացվել են ՀՀ կառավարություն, ՀՀ հանրային ծառայությունները կարգավորող հանձնաժողովին և «Հայաստանի էլեկտրական ցանցեր» ՓԲԸ-ին: Առաջարկությունների միջոցառումների հիմքով «Հայաստանի էլեկտրական ցանցեր» ՓԲԸ-ն հաստատել է իր 2015-2018թթ էլեկտրաէներգիայի տեխնոլոգիական և առևտրային կորուստների նվազեցմանն ուղղված միջոցառումների ծրագիրը: Նախատեսված միջոցառումների իրականացումը կապահովի կորուստների կրճատում՝ 1,5-2 տոկոսով:

#### 2-րդ ենթակետի վերաբերյալ

Ա.թ. հունիսի 25-26-ը ք. Երևանում տեղի ունեցած հայ-ռուսական տնտեսական համագործակցության միջկառավարական հանձնաժողովի 16-րդ նիստի ընթացքում ձեռք բերված պայմանավորվածության շրջանակներում ՀՀ էներգետիկայի և բնական պաշարների նախարարության կողմից ՌԴ էներգետիկայի նախարարություն է ներկայացվել «Հայաստանի էլեկտրական ցանցեր» ՓԲԸ-ում աուդիտի անցկացման տեխնիկական առաջադրանքը: Ներկայումս այն քննարկման փուլում է: Աուդիտը կտա այն բոլոր հարցերի պատասխանները, որոնք վերաբերվում են «Հայաստանի էլեկտրական ցանցեր» ՓԲԸ-ում ստեղծված ֆինանսական ծանր վիճակին:

#### 3-րդ ենթակետի վերաբերյալ

ՀՀ էներգետիկայի և բնական պաշարների նախարարությունը գրությամբ դիմել է ՀՀ հանրային ծառայությունները կարգավորող հանձնաժողովին այս ենթակետով բարձրացված հարցի վերաբերյալ դիրքորոշում ստանալու համար, որը և լրացուցիչ կներկայացվի Ձեզ:

#### 4-րդ ենթակետի վերաբերյալ

Դա վերաբերվում է մատակարար-բաժանորդ պայմանագրային փոխհարաբերություններին: Համաձայն «էներգետիկայի մասին» ՀՀ օրենքի 41-րդ հոդվածի 3-րդ մասի՝ պայմանագրային պարտավորությունները չկատարելու հետևանքով հասցված վնասը փոխհատուցվում է խախտողի կողմից՝ օրենքով սահմանված կարգով: Պայմանագրի կատարման հսկողությունն իրականացնում են միայն պայմանագրային կողմերը:

Միևնույն ժամանակ տեղեկացնում են, որ համաձայն «էլեկտրական էներգիայի մատակարարման և օգտագործման կանոններ»-ի 12-րդ կետի՝ մատակարարի և սպառողի միջև ծագած վեճերը լուծվում են ՀՀ հանրային ծառայությունները կարգավորող հանձնաժողովի միջոցով կամ դատական կարգով:

5-րդ ենթակետի վերաբերյալ

ՀՀ էներգետիկայի և բնական պաշարների նախարարի 05.05.2015թ. N138-Ն հրամանով հաստատվել է էլեկտրաէներգետիկական համակարգի էլեկտրական էներգիայի (հզորության) արտադրության, ներկրման, արտահանման և բաշխողի էլեկտրական ցանցեր առաքման կանխատեսվող հաշվեկշռի կազմման կարգը, որը թույլ է տալիս կազմել առավել իրատեսական էներգահաշվեկշիռ և խուսափել հետագա շեղումներից ու վնասների առաջացումից: Նշված կարգի հիման վրա կազմվող էներգահաշվեկշիռները հիմք են վերցվելու էլեկտրաէներգիայի սակագների հաշվարկներում:

6-րդ ենթակետի վերաբերյալ

ՀՀ էներգետիկայի և բնական պաշարների նախարարությունը հետևողական է էլեկտրաէներգետիկական համակարգի շուկայի մասնակից՝ պետական բաժնեմասով ընկերություններում ֆինանսական կարգապահության և խնայողության ռեժիմի պահպանմանը և իրեն տրված լիազորությունների շրջանակներում մշտապես ուշադրության կենտրոնում է պահում այդ ընկերություններում նախահաշիվներով նախատեսված ծախսերի աճ թույլ չտալու համար:

Հարգանքով՝

ԵՐՎԱՆԴ ԶԱԽԱՐՅԱՆ

